

太上靈寶升玄內教經中和品述議疏

母十

太上靈寶昇玄內教經中和品述議疏 毋十
是時天師張道陵拜手

太上老君道前願聞修道明訣得道原由次第品格謹敬之法中和之科長生之教禁戒之儀道陵未預之賤未悟內教願垂哀愍披

陳甘露使天人男女咸聞靈音道言道陵所問諸法甚是勝理最真第一无上要義外教五篇經中未有此說吾今當敷演諦受之焉
夫中和經者蓋是登真之妙訣入道之要方理貫重玄義該雙遣修之於已昇玄之

趣可窮蘊之於懷真一之門洞啓所言中
和者中是非外之名和是順從之目攝心
於內呼之曰中順道无違乃受和稱所以
此中和之科而次開緣品者前善惡因緣
令人捨惡行善恐其滯於善惡故說中和

第十

之科不唯令其捨惡亦乃令其思善思善
捨惡名曰中和就此中和一號開爲六別
第一勸修中和行第二吾觀十方下勸修
離過行第三天下男女下勸立善功第四
道告道陵下勸修法第五夫色慾敗事下

勸持五誠第六奉法修道下明持經修行
得益前文爲二初明天師請入道之方次
天尊爲說中和之義就請文中又爲二意
初正請後出所請之意今先辯天師請時
天師至禁誡之義是時者即是機緣感會
之時天師者是三天法師之號張是其姓
道陵是其名拜手道前者夫請益則起授
業則起既欲諮論妙義是故拜手道前願
聞修道明訣者欲聞修道分明要訣得道
原由者成真得道行法原由次第品格者

問行位階差成真次第謹敬之法者謹慎
恭敬之法中和之科者中和順道之科長
生之教者得道長生之教法禁誡之儀者
科條禁誡之軌儀此明天師請訖下出所
請之主道陵未預至言咸聞靈音天師今
諮請妙義母十意在利他故先悅色和顏卑辭
自遜弟子鄙賤之軀預在法未至如內教
之理是所未通願垂哀愍之心披陳甘露
妙法當使天人男女同聞靈善教音
上來至此天師請入道要方說自此以下

太上爲說中和妙法就此文中分爲二別
前歎請許說後正爲開示前文又二初歎
請次許說今即歎請道言道陵至未有此
說太上稱歎天師汝向來所問得道明訣
禁誡之儀者此等諸法甚是勝理最上至
真微妙第一无上難思要訣妙義靈寶五
篇經中未有如此之說此歎請訖下許說
吾今當敷演諦受吾是自在之名太上語
天師云汝向所問甚合我心今當爲汝敷
陳演說好宜諦受奉而行之

上來至此歎請許說訖自此以下正為開
示就此文中分為三別第一離得道階差
第二明入道要行第三天師領解就前文
中又為四別第一舉三品第二列三種名
第三依名解釋第四結勸修行

第十

三

道言吾布教施誠具有明訣得道之品莫不
有三上得神仙中得泥丸下得延年神仙成
真自然登天白日乘景上造紫晨頭生肉髻
金剛之身玉童散花天女和烟左右鳳歌前
後龍吟威儀嚴妙悉是天人泥丸滅度得免

地官魂神澄正得昇天堂或補仙品或生聖
王更相轉輪儲積德行行滿福立雲輿乃迎
受度積功非唯一生志意不倦尅成仙王延
年之法康壯不死絕穀清腸休糧无滯服食
草木以却尸鬼壽終命極免隸北艷得爲地
下主者檢攝人鬼生死之日經三百六十歲
進爲仙人於此計功或附胎生轉輪不滅與
泥丸同根然此三者皆須修身中和炁性反
俗所行斷絕榮色與道合行如此之戒其義
有五一者不得淫泆志念在邪勞神損精魂

魄不守正炁離去邪來合前二者不得情性
嗔怒心涌發憤口泄揚聲咒詛罵詈振動天
地神不祐人身中真官上訴三天注名罪目
萬不得仙三者不得含想毒念嫉損於人天
神糾筆地官奏言注名黑簿考至殺身最不
可犯害及子孫四者不得飲酒迷亂荒濁穢
身變易常性不崇誠文不畏官法不敬父君
不識骨血為欲淫牽魂魄悲號穢注五神罵
詈恣口反逆不順天遺其殃身受禍患五者
不得貪利錢財而為糞壤而齎刀行世末多

偽人情凶弊或於便宜動謀賊害財為身雖
何用財為有而不積當種福地空堂清室名
為仙家有此五者不可一犯喻如履冰之險
蹈空之危罪定考至而不覺知賢者坐起卧
息深用自戒身无反動福報明矣若有不信
之人毀疑經法不從五行者現世殃至吾今
所言所說真實不虛傳授之始必得其人道
陵拜手唯諾奉行

母十

四

布教者宣布經教施為科戒具有分明要
訣至如得道階品莫不有於二種此舉數

訖次列名者上得神仙至延年神仙者飛
行自在變化多方或策駕而謁玉晨乘雲
車而遊究利若仁安之化胄王子晉之辭
周帝泥丸者滅度而證无爲捐屍而昇彼
岸若釋子假入涅槃仙公詐留空榔延年
者年命長遠智力康彊若方朔之壽九千
彭祖之年八百此出三種名訖下次第解
釋神仙成真至悉是天人神仙得成真道
自然輕舉昇天白日騰景乘雲上至紫微
殿下諮問玉晨大道朝拜

元始天尊頭自然肉髻紺髮无勞梳櫛身
受金剛之質災害不敢毀玉童侍在其傍
散花若乎飛雪天女而嬪百和遐鬱不異
昇雲左右鸞嘯鳳歌前後龍鱗圍遶威儀
侍者嚴麗並是天仙此釋神仙訖下釋泥
第十
丸滅度至尅成仙王泥丸滅而得度免離
五
地下鬼官魂神澄正清涼而昇天堂淨國
或補神仙之位或生聖王之家更須儲積
善功輪轉常修經道三千之功斯滿九萬
之德將圓故致雲輿來迎神龍捧接或輪

轉更滅積諸善功策厲精勤志意不倦尅
成仙王之位控御一切靈官此釋泥丸訖
下釋延年延年之法康壯遲死至與泥丸
同根夫延年之道勇壯康彊要須絕穀清
腸餐霞吸炁茹青松餌紫栢味白朮服黃
精却三尸九蟲除四魔兵賊至如壽終之
日得免地帝酆都迨為地下鬼官檢錄生
死之目凡經三百六十歲即得進為仙人
或復計功未充更遣附胎輪轉於是沒而
不殆遂與泥丸同根此釋三品淺深義訖

以下結成然此三者皆須至與道合行欲
證前之三品者皆須持戒修身氣性柔孺
中和所行動與俗反斷絕榮華色利方當
與道合同上來至此辯三品行位淺深訖
自此以下次釋中和要法就此文中開為
五別初舉數次列名第一第二第三舉喻
以戒第四明迷者有損第五結勸傳授今
先辯戒數如此之戒其義有五者如此和
之或事有五條此舉數訖下列名一者不
得淫逸至邪來合前第一不得縱情淫逸

志念在邪勞費精神傷損魂魄正離去已
身惡即來侵慢所云魂魄者魂即三魂魄
是七魄三魂者一爽靈二胎光三幽精此
解第一竟次出第二二者不得情性嗔怒
至萬不得仙不得恣情爭競嗔忿口泄揚

毋十

六

聲呪詛罵詈惡響振天怨聲動地其罪深
逆神不祐人即被身中三尸奏言三天注
之罪目既被所譴萬不得仙所云三尸者
彭琚彭質彭矯此第二訖次第三三者不
得舍想毒念至及子孫不得舍懷惡想毒

害兇謀嫉惡賢能妬損勝已而被天神糾
等地官奏言列其罪名注之黑簿非唯考
至殺身亦乃殃流後胤此第三訖次第四
四者不得飲酒迷亂荒狂至身受禍患不
得耽荒于酒濁穢五神變易常情違經犯
戒不忌君王憲網不識師父親踈悖禮謀
圖不軌寧知魂魄號泣藏府沸騰而更罵
詈恣心返逆不順上天遺其殃咎禍患便
及己身此第四訖次第五五者不得貪利
錢財至名為仙家夫錢財為糞壤妨行累

身生有攻劫之憂死有掘冢之患既有不
須聚積宜將施種福田空堂名曰仙家門
戶自然清貴上來列五戒訖自此下舉喻
以勸有此五者不可一犯至福報明矣此
之五戒犯一則亡喻如踏空之危履冰之
險必其故違不改罪至不道人知賢者宜
各用心坐卧深當自戒若能身无變動福
報之理自明此舉喻以勸訖下明違戒有
損若有不信之人毀疑經法致見世殃至
如有愚癡之輩疑毀至經不從五種戒文

故犯三邪之過即當見在殃至具如此經
第一卷中所明此明違者有損訖下勸擇
人而傳吾今所言所說至必得其人此是
付囑天師今日所言所說蓋是真實不虛
子宜擇人而傳慎勿輕相傳付此設戒訖
下天師領解道陵拜首唯諾奉命誠指既
行豈敢違慢唯諾而起奉受聖言上來至
此勸修中和行訖自此以下是大段第二
文次勸修離過行就此文中大分爲兩從
初至甌中餘炁以來舉過勸捨第二道陵

夫人之所願下次舉離過之方前文又二
初出惡事第二或有協僞釋成初文復四
第一明世人无善第二明其有惡第三顯
出惡人第四列其惡狀

道言吾觀十方將諸來世人民道士男女賢
善持戒及天下人民輩奉道專者萬无一人
何故言之下世彫薄時俗吏民競相華尚貪
榮富貴仁義不行權詐為智父子相欺君臣
相殆轉相囑託貨賂買官黜忠貞任佞邪信
姦臣結黨阿富貴相追負賤捐棄服飾車馬

浮華藻麗以為得濟填路而行薄居勢位視人若无薄有錢財貧富異路君子小人各隨所宜欣同世間豈念道乎此輩思戀皆是愚人雖先休休不足願也所以然者愚人淺薄身適榮顯便是驕奢盈溢施行過度恣心快

母十

意不順禮節道之清虛不受此輩也神明既遠邪鬼侵之或有協僞背真禱鬼求請天網恢恢其罰未行耳喻如炊熟下火以滅甑中餘炁未盡之勢安得久哉惡人雖未遇罪譬如餘炁耳道陵夫人之所願以生年為貴人

之所惡以死爲賤豈不然乎天地平正以生
賞善以死罰惡此吉凶禍福從窈冥中來禍
殃非富貴者所求請而可避非貧賤者所不
欲而可去修善福應爲惡禍來國君雖有无
極之寶臨命惜死傾城量金求乞生活豈復
可得賢者貧賤不須強求富貴勞費精思廢
人所存傲慢亂志使人失道又復不壽而愚
人見富貴者心欲如之徒勞心願得亦不弘
得既不弘未若无爲若欲所求所願當求修
身當願大乘无大无小和同心意奉受无上

大經齋堂牀座以安天書掃除塵穢清淨儼
然燒香然燈光照寢席長齋苦思存靈念真
道爲之降計日如願七祖受福生死成仙兆
但勤行道不負人若有所求所願不用金帛
貨賂不用人事意氣不用酒肉祭禱不用巧

第十

九

言方便真心歸道无爲自成皆如本心之所
願想若須作福田之緣者隨意跪信香油之
直齋中之施以立功業隨力所堪亦不用多
此明報不可限筭若效習俗人背道禱邪則
萬无一福禍樹塞門矣然作此功德行諸所

願雖有彌天之報猶復不及受持此經供養
修禮坐起念之功德復大數千萬倍何以故
此經是十方天真得至道者之所願行得成
道故若有善男子善女人能發自然道意受
持此經者无願不會无福不合然復人有脩
短心有利鈍賢明之者鑽堅精進猶恐不及
愚闇之者敗毀背去猶恐不遠如此不同可
復云何道陵汝嘗以此經傳度後學合真之
人若有可上可下者亦當開悟令入法門矣
天尊言我觀十方世界男女之人不問道

士女冠无有一人修善出家之者嫉妬潛
謀在俗之徒驕淫殺盜除非出世君子終
无一人盡心此明无善訖自下明有惡行
就此文中分爲三別初出惡事次辯惡人
後顯惡狀今先辯惡事何故之下世彫薄
至豈念乎天尊何故而發此言疾時世澆
僞人情淺薄吏民時俗競取榮華仁義之
禮不行唯知貪求富貴離道而行權詐父
子對面相欺君臣上下異心得便即相危
殆爲君視聽不聰而信權臣之語轉相囑

託而將貨賂買官黜放忠貞任用邪佞君子在野小人在朝結黨連群富貴追逐捐棄孤寡凌易貧窮車馬服章浮華藻麗詭說順啓然然而行在位視人若无有貧富異類積鏹呼爲君子清貧即曰小人欣欣母十在於世間豈有一人念道此出惡事訖下十舉惡人此輩思戀皆是愚人至不足願也如此猖狂之輩皆是世俗愚人雖復暫爾休休何足可願者也此出惡人訖下舉惡狀所以然者愚人淺薄至邪鬼侵之所以

說此言者但爲愚人淺薄不能顧後看前
恃勢盈溢驕奢施行過越法度縱恣快其
心意弗從禮節科儀大道儉約清虛不受
如此之輩神明既其遠離邪鬼率所侵傷
此總明惡事訖自下釋成就此文中分爲
三別初法說次喻說後合喻先明法說或
有協僞背真至其罰未行耳或有協懷殃
僞背道崇邪祈禱鬼神請求福祐且天網
恢恢疎而不失罪考雖未禍罰分明此法
說訖下喻說喻如炊熟下火以滅至安得

久哉此舉喻訖下合喻惡人雖未遇罪譬
如餘烝耳上來至此舉過觀捨訖自此以
下舉離過之方就此文中分爲三別第一
明天道无私決有賞罰第二明若欲離過
唯當修善第三爾時下明惡業有損勸其

母十

十一

捨離就前文中分爲五別第一明人情莫
不欣生惡死只自不能修善遠惡第二明
天道平正賞罰不差第三明其殃報由業
非勢力能制第四勸於賢者勿希世榮第
五傷歎愚人不能知此今先明世人忻生

惡死道陵夫人之所願以生年爲貴至不
然乎言世俗愚人不能修善遠惡止願平
安壽老不欲夭折兇衰貴賤同然是誰不
爾此明忻生惡死訖下明決有賞罰天地
平正至從窈冥中來天眼皎然纖微俱見
賞善罰惡決定不差並從窈冥中來弗遺
世人知覺此明賞罰不差訖次明善惡之
來決不可避禍災非富貴者此所求請至
不欲而可去禍福之來所不期而至貧人
欲而不來富者排而不去此明善惡由業

訖下明報應之義修善福應為惡禍來至
豈復可得修善招於福報為惡決得禍酬
非職位之所能獲非金玉之所能賂此舉
報應義訖次勸賢者不希世榮貧賤不須
彊求富貴至又復不壽富貴關天榮華由
業勿復勞神損慮非分彊求令人失道迷
亂傷年損壽此勸勿希世榮訖次歎愚人
不能知此而愚人見富貴者至未若無為
世俗愚人見他富貴亦願已身與齊等不
知命惡骨兇縱得亦不弘大長久擬近終

成必當敗失未若息心無爲無事上來至此明天道無私訖自此以下勸修離過之行就此文中分爲五別第一勸修行第二勸捨惡第三舉經尊勝以勸第四明愚智去取不同聖者愍念第五結勤流傳今先勸修行若欲所求所願至皆如本心之所願想若須長生久視適樂無爲先當奉受至經和心盡意齋室床座清淨儼然安置天書香燈供養專情苦行存虛念真道不負人計功酬願七祖受福生死成仙兆但

勤行經不虛設若欲所求所願不用貨賂
錢財乃至方便巧言飲食意氣上之四事
一如所願但當念道存真自然獲福此勸
修行訖次勸立功若須作福田之緣者至
不可限筭若欲建福立功以祈冥祐可隨
意跪信齋直香油稱力竭誠而已如此明
報不可限量上來勸立功修行訖次勸捨
惡若效習俗人背道禱邪至禍樹塞門矣
勿復背道輕真崇邪禱鬼千萬終无一福
唯當禍樹塞門此勸捨惡訖次勸受經就

持經文中即為三別初明經為勝以勸第
二出受經之意第三勸持經得益今先觀
受經然作此功德行諸得益今先勸受經
然作此功德行諸所願至數千萬倍此校
量功行以言人作諸功德施種福田不及

母十

十三

受持此經一句一偈此舉經尊勝以勸訖
下釋出其意何以故此經是十方天真至
成道故此經是眾聖父母萬善由生得道
成真莫不遊履下明持經得益若有善男
子至无福不合能發自然道意受持此經

者何福不合何善不從上來校量功德勸
持經得益訖下明愚知去彼取此者哀愍
然復人有脩短心有利鈍至可復如何人
有短長心有明闇智者勤行恒如不及愚
者背毀思隔太山如此不同柰何者也此
明聖人哀愍訖下勸傳授道陵汝當以此
經傳度後學至入法門矣上來太上付囑
天師將經傳度後學必有合真之相廣略
當消息之要令心垢得除咸使歸于道室
上來至此舉過勸捨訖自此以下是前來

第三文正明惡業有損勸令改悔就此文中分爲二別初天師請問次道君答釋前文爲二第一別同問仙衆第二序請問事由今先出受法時仙衆也

時道陵受法是諸大聖梵天道士妙行真人十方天尊遣使讚歎道陵合有七千億衆同在道前道陵衆中嚴頓法服叉手而立道前請問因緣灾祥之由道陵曰伏見奉道奉法一切人民或遇灾害暴病卒死官符口舌以致不利所作不成所求不得不審此等何所

觸犯爲是宿緣爲是身犯願垂開張以明未
悟

老君答曰此輩皆由人惡亦是宿世何以故
世人奉道不勤雖知道尊而欲奉之其情性
施行與俗不別邪僞不除欲以邪僞干於正

毋十

十四

真終不可也邪與正真如盜賊惡人之見監
伺既奉大道又復禱邪二心猶豫遂與之邪
諸如此輩雖係名奉道冀道得祐道不受也
染附邪精而諸屬道遇灾遭病逢禍值難望
道擁護而道不效邪精惡鬼率所侵害道不

爲攝身致死亡家得破滅而其愚俗殊不自
悟方更背戾言道无神雖不口說心内怨望
此輩何不莊事變易心腸選濡日月冀免灾
厄萬不遺一執性狠戾心腸不改命歿之後
三塗五苦悔復何及痛哉愚俗崇邪輕真胡
不洗心於此自新賢者正信修奉經法大道
至尊高而无上周圓无外包裹天地制御衆
神生育萬物蝘飛蠕動含炁之類皆是道成
道之威神何所不集何所不散何所不消何
所不成何所不伏把天機樞驅使萬神先乎

无先窮於无窮人處其間年命奄忽如眼開
閉悉從道成悉從道生愍念人物如母傷子
故出法度人令修道行功上者神仙功中者
泥丸功下者壽延巍巍之報而人不知相與
沈淪不改俗偽吾爲之流淚而說偈曰

世

十五

宿世緣植惡

生積不潔香

染邪而奉道

招致不吉良

真炁不爲力

邪惡反成殃

三灾一時至

破家而身亡

七祖淪三官

魂魄相攜將

刀山令足踐

劍樹令手傷

上下五苦庭

流血成膿瘡

萬劫不蒙原

展轉五道場

若有科法子

天官降相迎

當天師受法之時有十方大聖道士真人

及異境天尊遣使稱歎或騰雲御日策駕

乘臺總有七千億人同在昇玄座下此列

時衆訖自此下次序諸問事由就此門中

分為兩別初舉果以徵因次問因以明果

初但問因道陵伏見奉道奉法至所求不

得世人奉道奉法應蒙聖力護持因何逢

禍遇災危亡不少或有暴病卒死縲紲橫

加作事弗成諸不吉利此承果徵因訖次

問因以明果不審此等何所觸犯未曉如
此之輩所從而來爲是當身造愆爲是宿
世殃咎願垂問訖自此以下老君答釋就
答中文即有長行偈誦就長行中大分爲
三第一先物惡業第二次勸捨惡第三即
勸修道前文爲二初明其稔惡次勸其改
悔初文復二先物惡因次釋惡行今正是
初老君答曰此輩皆由人惡亦是宿世如
此墮坎之輩亦有二種因緣是已身自招
二是宿世殃及物惡因訖次釋惡行何以

故世人奉道不勤至而未見趣向乃心起
怨望進退猶豫无有至誠或存或亡二心
不定聞道尊勝欣而奉之俗行未除仍懷
邪偽欲希真道何可得焉不知邪遇正真
如盜賊之逢監伺以其心不專固上天遂
與之邪以其深附邪精至道便當不祐縱
使遇灾遭病亦不為攝邪精所得身致死
亡家門破滅愚癡世俗殊不覺悟乃更言
道无神心内怨望上來明惡業訖自下勸
其改悔此輩何不莊治事至悔復可及何

不莊治戒行選易心勝濡浸於邪日復一
日天網恢恢疎而不失賞善罰惡萬无一
遺因何子戾汝心不能思罪補過命沒幽
沈惡趣悔恨何所及焉此勸悔過訖下勸
捨惡痛哉愚俗至於此自新大聖大慈傷
痛愚俗何忍崇邪輕道不肯奉戒修真胡
不洗棄惡心於此新興善行上來舉惡勸
捨訖自下舉道勸修就勸修文中分爲四
別一明道尊勝故須修二道有勢力故須
修三道能生成故須修四道有利益故須

修勝道今先明道尊勝賢者正心修奉經
戒大道至尊至皆是道生賢智之者宜各
正心奉受大經勤修上道道法尊妙不可
思議天地稟以長存萬類以之成育大則
周圓无外小則細入微間道法如此尊高
賢者那不修奉下辯勢力道之威神何所
不集至窮於无窮大道神力何所不招何
所不讓何所不伏把天機關樞要驅使一
切鬼神先則先乎无先窮則窮於无極此
明道有勢力訖下明道能生成人處其間

年命奄忽至今修道行人處天地之間雖
復命有長短皆是道之生成大道懸念於
人若毋見傷於子懇懃演說經戒普令修
道學仙此明道成益訖下品量功行功上
者仙至不改俗僞此明隨功深淺福報不
差而人弗知為惡不改相與淪沒望返无
期大聖悲憐為之泣涕故留經戒勸捨惡
心上來此長行文訖自下偈頌就偈頌文
中分為三別初有一行誦惡因次有一行
誦惡果後有一行勸修道今且誦惡業宿

世緣植惡至招致不吉良宿世種植惡緣
積生不曾香潔深邪而言奉道招致故不
吉此誦惡因訖次誦惡果真炁不爲力至
展轉五道場真炁不爲勢力邪惡反成殃
咎三灾一時臨逼家破身致死亡七祖論
墜三官魂魄相牽流曳刀山令其足踐劍
樹令其手攀上下五苦之庭膿瘡流血遍
體萬劫不蒙原赦展轉五道之中此舉惡
勸捨訖下勸修道若有科法予天官降相
迎若有科法之子天官降下迎之鸞輿靄

靄雲中龍車戔戔空裏

上來至此總明離過文訖自此以下是大
段第三文勸立善功就此文中凡有三別
初長行以勸立功次偈頌文以勸立行道
說偈畢下舉益以勸就長行文中文中分爲四

第十

十八

別第一勸改過第二勸立功第三勸修行
第四明得益就改過文中又爲二意初勸
改惡以存念次勸持經以悔過初文又二
先勸捨惡次勸念道先明改破惡

道言天下男女違背真正不從教戒但貪愛

慾富貴榮祿色利財寶飲酒食肉恣心快意
驕奢盈溢豈念道乎人常念道道亦念人人
之若魚道之若水魚得水而生失水而死道
炁不居人身則虛人身既虛何得久生乎要
在精進存念至真告諸賢者欲得保命度身
得道成真者當宗受无上靈寶昇玄內教真
一真經皆當洗心除去先日所犯罪過革修
後善以順經法能如是者即合无上正真道
意凡爲道者除過立功思罪補愆若未見經
法之前或手殺人者當救應垂死者一人以

贖之於罪既除又得活人之功若會行劫盜
得他財物今受法後當心與口以私財賄
施散貧乏建立功德於責既解又得施惠之
報若以口言讒謗勝已讚殺賢善枉說无罪
者進達賢人以當之於負既了又得進賢之

第十

十九

對轉禍為福此真要言爾乃道行既立言令
必珍見人有失轉相勸戒宣傳經法普度天
人令諸男女咸得法利如此功報甚為无量
勿謂道之无形以為傲慢但當莊事修勤晨
夜清淨若見人民疾病當相救度不得以智

欺愚乘威假詐倚託鬼神恐嚇天民取他財
物纔有小知稱名自大輕忽愚賤更相毀訾
不得背向調論指擿賢者不得私情貪狠敬
貴耻賤樂富棄貧詐望意氣愛憎二心不欲
隨情請福以爲惠施道終不從鬼不爲使毀
敗正法身反受咎當同志相求同法相好若
男女不解書疏者但受經法專心好道聽誦
經戒會於齋堂誦受勿忘亦可堂上燒香清
淨在座男女有別儼然正體安神精心明聽
法音勿妄華言傾斜不端遊心他念懶惰睡

眠兩兩相對譁語喃喃勞形自役當苦與獲
若能如法精肅則受福无量侍經仙官自來
護人終已无灾得道昇天太上老君乃說偈
曰

宗虛尊大乘

色慾俱然絕

要從精進起

邪魔无由列

轉禍修德行

宿負自然滅

功積隨日新

超然與俗別

言令必珍用

大勲由此結

世有愚惡人

稱名設鬼教

私情詐公行

萬言无一効

任心行魔事

自爾招大考

不知所由犯
歛以致殘暴
魂囚艷都庭

痛毒於斯到
必無樂法者
信心寄因緣
雖不曉文字

心識意在敦
虛心徹邪念
聽誦數千言

專心致得道
遂成无上真
但能受持想

功德自彌天
注心聽吾經
勿復相對論

一切善男子
一則亂至教
二則勞身形

好至无為情
愛報不聰明
好當自恭肅

勞形當自苦
勿復輕神靈

勿復輕神靈

勿復輕神靈

見有精進者 昇仙補天官 高蹈凌梵外

學致甚不難 何為守濁美 不希騰形神

金闕不樂遊 相與隸北門 吾見五苦徒

悲叫刀山巔 面目无人姿 乞食餓鬼間

天罰備常加 受考彌劫年 蓋由不積善

謗毀害真賢 對報在須臾 愚人謂不然

苟作不自革 獨自落天殘 未若脩弘道

衆真與爾群

世間男之與女並 悉違背正真 不能奉戒

持經唯貪榮華富貴 酒肉快其情意 財色

恣其心懷但知盈溢驕奢豈有一人念道
此勸改惡訖次勸存念有法說喻俾人常
念道道亦念人但能念於道道豈不念於
人示喻明說人之若魚之在水至失水而
死故西昇經云人在道中道在人中魚在
水中水在魚中道去人死水乾魚命終即
是此義下合喻以勸修道道炁不居人身
則空至存念至真道炁既遠人身則空人
身既空豈得長久要須勤修上道存念至
真此勸改惡存念訖下勸持經以除過文

爲三第一勸持經第二勸除過第三明得
道今先勸經告諸賢者欲得保命度身至
真一真經道告賢者子欲命度身成真得
道者當須宗受昇玄靈寶真一真經經力
扶持自然得道此勸受經訖次勸除過皆
當洗心至以順經法當洗除垢思罪補愆
唯道是從唯法是務此勸除過訖下明得
道能如是者即合无上正真道意若能順
道无違則與至理冥合故道經云同於道
者道亦得之即是此義

上來勸改過訖自下勸立善功就立功文中分爲五別第一勸贖生第二勸散施第三勸進賢第四明立功得益第五結勸今先勸贖生凡爲道者除過立功至又得活人之功凡欲結身爲道當須除過立功或未持經戒之前親行手殺當救垂死之命以補前愆即於宿負得除又獲濟他之福此勸贖生訖下勸散施若曾行劫盜得他財物至又得施惠之報或未聞經法之前劫奪他物今當心與口誓思過責愆以已

私財賄施於貧乏植種福田建立功德於
其前債既了又得施惠之功此散施說勸
進賢若以口言讒謗勝已至又得進賢之
對或曾經讒謗勝已譖毀賢能枉讒无辜
嫉妬君子者當以薦達賢人稱揚碩學於

毋十

二十二

其前負得除又獲進賢之對下明立功得
益轉禍爲福此真要言至甚爲无量勸轉
惡心修於福善道行既立言令必珍若見
人有過失即須爲說經戒咸令男子女人
一切蒙法利益如此功報巍巍其爲无边

无量此舉利益訖下設戒勸勿謂道之无
形以爲傲慢至晨夜清淨莫謂大道无形
而欲輕忽傲慢但當莊事修勤晨夜清心
淨慮

上來至此勸修善立功訖自此以下正勸
離過行有二別初勸改過次勸修善先勸
改過若見人民疾病當相救度至身及受
咎見人有憂助爲作福有救度念得安穩
不得以智欺愚倚託神鬼恐赫天下取他
財物薄有神智調弄賢人輕忽於下更相

謗毀敬貴耻賤樂富棄貧愛憎二心詐望
意氣不肯隨順人情以為惠施縱欲驅除
謹案神鬼亦不從之於正法誠无効驗身
反受於殃咎此勸改過訖次勸修道當同
志相求同法相好至病苦无獲當須同法

廿一

二十三

相好同志相求宗受大經專心樂道必其
未明法教當就明者決之聽誦諦受勿使
遺忘又須尊居儼然安神正體不得遊心
他念翫愒睡眠相對閑語喃喃畢竟都无
所獲此勸修離過行訖下明得益若能如

法精肅則受福无量至得道昇天若能精
肅如法則受福无窮侍經仙官自來擁護
非唯終身无咎乃至得昇天堂

上來至此長行文訖自此已下偈誦以勸
立功就偈誦文中分爲別初有兩行半頌
立功得益世有愚癡下有兩行半頌行惡
有損必有樂法下有五行勸持經見有精
進下有五行半舉善對惡以勸取捨今先
誦持經宗虛尊大乘至邪魔无由列宗奉
虛无尊承大法榮色俱絕并除精進既起

內心外魔敢能列其過惡此勸立功訖下
明得益轉禍修德行至大勲由此結若得
棄麤心革修善行則宿昔愆負自爾雲消
功德巍巍隨日而進超然輕舉與世別殊
人必遵行大勲由斯結矣此明立功益訖
次明行惡獲損世有愚癡人至萬言无一
効世有愚癡之人稱名而設鬼教私詐公
然行之萬語无一信實此明行惡訖次明
損失任心行魔事至痛毒於斯到恣已愚
情而行魔事賊滿罪定殃考自來不知死

日所由歛然而致殘暴魂囚艷都鬼庭痛
毒於斯邪此明行惡致損訖自下勸修經
法文為二前頌信法人後頌聽受之者先
誦行法人必有樂法者至聽誦數千言必
有樂法之者敬信以善為緣雖不能曉文
字用心而在敦重虛豁是非聽誦章句此
明信法下明得益專心致得道至功德自
彌天專心致得仙道遂成无上至真但能
受持妙經功德自然廣大

非十

二十四

上來誦信受人訖下誦聽法者一切善男

女注心聽吾經至勿復輕神靈道言一切
男女人各注心聽經勿復相對妄說无有
顛倒之意一則撓亂至教二則勞汝身形
勞形徒自勤苦後受不聰明報好當供養
經道勿復輕忽神靈

上來勸持經訖自下舉善對惡以勸取捨
文爲二前舉善惡以勸取捨後勸修道以
明得益初文又二前一行舉善勸取次五
行舉惡勸捨先勸取善見有精進者至學
故甚不難見有精進之人棄俗而修經道

決得昇仙度世然得補天官高舉凌虛飛
行梵外修學即得甚不爲難此勸取善訖
下勸捨惡何爲守濁美至獨自落天殘此
揚時人迷沒塵俗不希騰神輕舉遊宴玄
都將隸彼北門輪回五趣號啼鑊湯之側
悲叫刀劍之巔面目困苦焦燎飢寒乞食
尤所天罰備加其體受考彌劫積年蓋由
謗毀賢良不信宿命爲惡不改自致天殘
此勸取善捨惡訖下勸修道未若修弘道
衆聖與爾群未若修經弘道光顯法門當

與得道衆真以爲朋友

少真大願去門當

上來偈誦以勸立功訖自下結勸修善得
益文爲二前明自修得益次勸令尊祕道
說偈畢告

老君曰吾昔无鞅數恒沙劫无窮无極時以

修此章歌頌其句修行禮翫致得今報其趣
與微玄中之玄今以告子諦尊之焉勿以告
示不信之人若有疑毀者考及滅門矣

太上老君告天師曰我昔无數劫時以修

此經章句歌頌其義禮翫策勤致得今日

无上道果當知此經理趣深遠玄中之玄
此舉利益訖下勸尊祕今以告子尊之焉
至考及滅門矣今以大經宣告於子子宜
諦受重道懇懃勿復輕傳他疑毀之者考
及滅門

上來至此勸立善功訖自此已下是前來
大段第四文次勸修經法亦有長行偈頌
就長行文中又分爲二前舉善惡二緣以
示令識人生受命下次舉經戒以勸修行
初文又二先物生死之惡次明報應之事

就前文中分爲四第一明世俗无知第二
明欣惡是等第三明不得遂心第四總結
勸捨今先明世俗无知

老君告道陵曰萬物之中人最爲貴而人處
在天地之間皆知生之日不知死之日善惡

毋十

二十六

之人富貴貧賤各願壽老誰欲其夭夫死者
人所不樂而見一切豈能免乎唯有不生无
此難耳然此之輩復有因緣修善得善其鬼
益善作惡得惡其鬼亦惡是故半在吾道堂
半在魔地獄喻如呼聲莫不有應人生壽命

制在虛无虛无不言故置聖人聖人隱形遺
傳經戒夫唯經戒即名道也勸人作善教令
修身一以除過二致不死何但不死乃成真
仙如此之福本非富貴財賄求請能得本非
酒肉禱鬼之所能致其唯道士賢者敬奉經
戒勤念所致先苦後報其應明也

天地所生唯人爲貴但愚迷雲障慧識不
明唯知生日富貴豈知死日早晚此明世
俗无知訖次舉貴賤同好善惡之人至誰
欲其夫夫人善惡志意同然皆欲富貴長

年誰願貧窮夭折此明忻惡是等訖次舉
不得遂心夫死者人所不樂而見一切豈
能免乎夫身亡魂逝人皆惡之而見一切
誰能免此下結勸唯有不生无此雖取必
欲无死未若无生鍊質歸真當有何患上

第十

二十七

來舉生死之樂惡以勸捨訖此下以明報
應事然此之輩復有因緣至喻如呼響莫
不有應善惡行殊因緣報別是故為鬼不
同昇沈各異喻如呼響應種核得果此舉
善惡因緣示令識悟自下正舉經法以勸

修習就此文中分爲三別第一舉經以勸
第二明經得益第三明持經方便今先舉
經以勸人生受命制在虛元至夫唯經戒
即名道也人之生世制在虛元故置聖人
爲演經戒夫唯經戒即是於道人能弘法
自得道真此舉經勸訖次舉修經得益勸
人作善教令修生至乃成真仙經教之設
本勸修生人持經其年自永何但不死仍
成道真此明持經得益訖下明修習方便
如此之福本非富貴財賄求請能得至其

應明也此言其福報非崇爵巨富所能屈
致也唯有持經奉戒勤苦自營福報皎然
明如日月

上來長行持經訖自下偈頌以勸持經就
此文中分為五行勸捨惡以聽經何不
勤上道下有一行半勸勤心而學道前文
又三一明世俗无知二明昇沈異趣三勸
經法

於是老君乃說偈曰

人生最為貴 而不樂法熙
生死隨任往

莫知何所之

冥冥求无知

臨報乃悟期

惡者入三捺

善者獲大慈

若有合真相

聽經念善思

勿復作聾盲

聞法而佯癡

吾愍諸天人

故留无上辭

作人之大法

為世之良醫

財賄當法用

勿以禱邪祠

母十

三十八

萬萬无一報

妖烝殃日滋

何不勤上道

見法生心謀

惡者報亦惡

未若立善基

苦行得甘報

自然登玄臺

已前頌世俗无知人生最為貴至臨報乃

悟明天地之間唯人為貴何不勤修經濟

淨喜熙而乃任命死生莫知何趣冥冥長
夜臨報始知此明世俗无知訖次辯昇沈
有異惡者入三捺善者獲大慈惡者入於
地獄一日三捺形魂善者上昇天堂大聖
慈悲接引此明身沈異趣訖次勸聽法若
有合真相聽經念善思至妖烝殃日滋若
有合真相者當須思善聽經勿復詐作壘
盲聞法佯癡不解大聖愍諸天人故留无
上妙教爲人作於大法爲世作以良醫有
財當從道用勿復禱鬼祠邪萬萬終无一

報妖烝日日滋生此勸捨惡訖次勸修道
何不勤上道至自然登玄臺因何不勤修
上道見法心即謀從行惡則得惡報未若
建立善基苦行報自甘蕭然玄臺之上
上來至此勸持經法訖自此以下是前

冊十

二十七

大段第二文次勸持五戒就此文中自有
長行偈頌就長行文中分爲五別第一舉
惡勸捨第二舉戒勸修第三明持戒得益
第四明違者有失第五勸令祕慎今先勸

捨惡

道言夫色慾敗事最不可行而世間賢愚貴
賤皆亦同願唯有道士乃能執志堅持教戒
以自檢縛行止舉動心不傾邪在於愛欲之
間初不一違若見色利榮華繁綵以戒掩目
若聞好惡之言五音之屬以戒塞耳若有八
珍之饌甘香之美以戒杜口若願想財貨七
寶竒珍放情極欲以戒挫心若意蕩淫貪趣
惡事以戒折足能行此五者七祖生天衣食
自然身得神仙白日登晨如其尸解轉輪成
真賢者精誠奉持之也若男若女不能承用

不肯受持无可如何吾寧與人萬金不書此
言道陵子當擇其人而授勿泄真文

深滯情色敗已亡身世俗之人不能捨遠
此舉惡勸捨訖次舉戒勸修先出持戒人
次出所持之戒惟有道士至不一違惟有
道士獨能曉悟堅持教戒檢束身心縱在
愛欲之中未會違犯此出持戒人訖次出
所持之戒若見色利榮華繁綵至以戒折
足若見美色榮華朗黃繁綵以戒掩目莫
令眼看若聞五音淫聲妖樂以戒塞聞耳

莫令耳聞若遇八珍甘香美饌以戒杜口
莫令口嘗若欲錢財奇珍異貨以戒恣心
防意止想若念姦淫貪趣惡事以戒折足
使足莫行辯戒訖次辯持戒得能行此五
事訖次明違者有失若男女不能承用至

毋十

三十

不書此言傷歎時人貴財賤道故發此言
相與沈淪柰何哉此明違戒有失訖次勸
傳授道陵子當擇人而授勿泄真文若有
敬信之人具上十相來欲請受先齋信金
誠素試之無退將經付之必其猶豫猜疑

祕而莫與此長行訖下舉偈頌就偈頌文中為四別第一有三行半頌不持戒者有損第二有三行半頌持戒者得益第三有三行頌能離五種之惡第四有兩行半頌改過得益

太上老君仍說偈曰

慾慾是何物

悉從心中生

自觀榮麗色

耳洞五音聲

口甘八珍味

心想財自榮

意貪淫姦事

手足為之行

五惡既不住

考對在死形

永與生道隔

幽魂沒鬼圖

罪畢出在所 有人而无情

奉戒不行惡 掩塞五心門

耳不採聲煩 口不饗甘美

意无淫向想 手足不為申

考對焉從宣 永與真道合

功積從戒起 白日登玉晨

目以色為仇 初不欲一見

初不願欲聞 口以味為苦

心以寶為吝 初不為想戀

初不欲同貫 足以夷為阻

目不視綺容

心不受財錢

五惡寢住停

不復零鬼官

母十

三十一

耳以音為讎

初不以自熏

意以姦為賊

初不樂涉端

五苦同一路 初不傾邪看 若能如是者
所謂妙中難 難中既能通 滓滯无由安
身清神則寧 皇一守丹田 行備由因起
致得昇冲天

慾慾是何物 悉從心中生 者上欲是慾慾
之心下慾是所貪之境 此之二心從何而
起 悉是已身顛倒妄想 此總舉訖 下別列
自覩榮麗色 至手足為之行 目則妄瞻 五
色耳則通取 五聲口則珍味 甘脆心則經
營賄貨 意既貪求 惡事手足即為之行 此

明爲惡訖下明損失五慾既不住至有人
而无情五心起欲不住灾考對在兆形永
與長生道隔幽魂沒鬼因圖罪畢縱其得
出受形六情不具此明違戒獲損訖下明
持戒得益奉戒不行惡掩塞五慾心門此
總舉訖下別目不翹綺容至手足不爲申
目不覩色耳不採聲口不嘗甘心不受貨
乃至意无外想足不妄行此明持戒訖下
明得益五惡寂住傳至白日登玉晨五心
既其停住考對焉得妄加永與真道合同

不復淪於鬼府積功從戒而起白日上昇
玉京此明持戒得益訖次辯能離五種目
以色爲仇至初不樂涉端目以色爲怨仇
初不將眼一見耳以聲爲讎隙初不令耳
一聞口不味於美甘心不戀於金玉乃至

第十

三十二

意无淫想不與姦惡同群手足平夷未曾
涉行阻難此明能離五種訖下明得益五
者同一路初不傾邪看至故前能昇冲天
上來五慾同起一心初不傾邪妄有緣著
若能如是捨離所謂妙中之難難中既能

通滓滯无由得住身清神則寧皇人安住
丹田行備因戒而來故致得冲虛之道
上來至此明持戒得益訖自此以下是大
段第六總勸持經修行以明得益就此文
中分爲四別第一修行以捨惡第二立志
以持經第三修經得益第四戒勿輕傳前
文又二前勸修道次勸去邪但勸存道
道言奉法修道當勤修身當堅精進當久持
戒當固專念當執諦想莫不存道去邪去惑
去妖去偽去淫去欲除棄衆非以爲抱真是

先勞後報度身昇仙當期當來勿覩目前夫
惡无交禍善无近福子善思惟莊子勤身効
力奉持經法此經高妙綜統三洞无上至真
第一玄章受持之者人中无上自无玄名萬
无一見有心之者當如飢渴得飲食如寒得

冬衣若涼得春服當如貧人得寶賤人得官
如作極須消息疲勞欲睡寐如願想欲有所
得得此經法當作此念勤苦如法福報无量
矣此經度人无数修道誦之得成真人畏怖
誦之魔不犯身疾病誦之立起死魂憂惱誦

之自然喜懽縣官誦之得停獄門若爲亡人
誦之休息寧閑貧窮誦之保宜財錢命厄誦
之普皆壽延愚闇誦之心聰聖賢一人誦之
福周九親度人无量潤流十天无上无下无
大无小无边无际皆蒙慈恩子等祕之慎勿
妄宣泄慢經文授非其人則考有風刀身沒
鬼官兆宜慎之吾不虛言道陵稽首禮謝而
去

夫欲奉持經戒學道修身當堅固精誠專
念諦想行住坐卧以道爲心此勸存念訖

次勸去邪去惑去妖去僞至勿覩目前當
去六種衆非包含真性先雖勞苦後獲昇
仙當期未來善報勿覩目前快樂此勸捨
惡訖次勸持經就爲三別第一正勸第二
舉喻以勸第三合喻前文又二初勸持經

次歎經首可勝今是初夫惡无友禍善无近
福至奉受經法但福報善移不必同至好
當莊事勤身奉受經法此勸受經訖次歎
法此經高妙綜統至萬无一見此經三洞
之上統御萬靈無上至真微妙第一法既

尊高受者亦貴无玄名仙骨終不遭遇此
經此歎法竟下舉喻有心之人當如飢渴
欲得飲食至願想欲有所得此舉喻訖下
結成見此經法當作此念至福報无量矣
上來八念但能勤苦如法則受福无窮此

母十

三十四

勸持經誦次勸得益此經度人无數量至
福周九親此經有十福利益竟次明功德
廣遠度人无量恩流十天至皆蒙慈恩此
經功不可思議福潤十天澤流萬境无上
无下无際无边盡沐斯恩皆挾巨福此歎

經利益竟下戒勿輕傳子等祕之慎勿妄
宣至吾不虛言子宜尊祕擇人而傳勿復
妄宣招於罪失此設戒訖次天師領教道
陵稽首禮謝而去

上來一卷辯中和行訖自此已下更會蓬
萊爲說顯真大哉

太上靈寶昇玄內教經中和品述議疏共
三



